

Talning tilkynninga í sískráningu

Mjög áriðandi er að talning tilkynninga í sískráningu sé samræmd. Notast er við skilgreiningar-og flokkunarkerfi í barnavernd SOF sem finna má á heimasíðu Barnaverndarstofu.

1. Fjöldi tilkynninga:

- Ef ein tilkynning berst um þrjú börn skal telja það sem þrjár tilkynningar.
- Ef fleiri en ein tilkynning berst um sama barnið skal telja hverja tilkynningu fyrir sig. Ef fjórar tilkynningar berast um eitt barn skal telja það sem fjórar tilkynningar.

Kyn skal skrá í öllum tilvikum, nema þegar tilkynningar berast um ófædd börn.

Kyn skal skrá á eftirfarandi hátt: drengir – stúlkur – annað (hlutlaus kynskráning).

Þar af fjöldi tilkynninga sem bárust í gegnum 112:

Telja skal tilkynningar í gegnum 112 með sama hætti og áður. Athugið að þegar tilkynnandinn er talinn í þessum tilkynningum þá miðast hann við þann aðila sem hringir í 112. Ef nágranni hringir í 112 skal merkja við nágranna en ekki aðrir.

2. Fjöldi barna sem tilkynnt var um í mánuðinum:

- Ef ein tilkynning berst um þrjú börn skal telja það sem þrjú börn.
- Ef fleiri en ein tilkynning berst um sama barnið skal ekki telja sama barnið oftar en einu sinni (í viðkomandi mánuði).

3. Fjöldi barna þar sem ákveðið var að hefja könnun eða mál í könnun eða meðferðar (opið mál):

Hér skal telja samanlagðan fjölda barna þar sem tekin var ákvörðun um að hefja könnun eða mál er þegar til könnunar eða meðferðar (opið mál), af þeim börnum sem tilkynnt var um í mánuðinum.

Þar af nýjar kannanir í þessum mánuði: Hér skal telja fjölda barna þar sem tekin var ákvörðun um könnun í mánuðinum, af þeim sem eru skráð í reitinn fyrir ofan.

4. Ákveðið að hefja könnun á grundvelli 21. gr. bvl. á grundvelli annarra upplýsinga:

Ef bvn. tekur ákvörðun um að hefja könnun á grundvelli 21. gr. bvl. á grundvelli annarra upplýsinga (ekki vegna tilkynningar) skal ekki skrá það sem tilkynningu, einungis að merkja við í reit 4.

5. Ástæður tilkynninga (fjöldi tilkynninga – flokkun):

- Ef ein tilkynning berst um þrjú börn skal flokka ástæður fyrir hvert barn (sama ástæða getur verið fyrir öll börnin).
- Ef fleiri en ein tilkynning berst um sama barnið skal telja hverja ástæðu fyrir sig. Ef nágranni tilkynnir um barn og gefur upp vanrækslu skal merkja við þá ástæðu. Ef skóli tilkynnir um sama barn og gefur upp áhættu hegðun skal merkja við þá ástæðu (sama ástæða getur líka verið gefin upp).

Athugið að einungis má merkja við eina aðalástæðu fyrir hverja tilkynningu. Hins vegar má merkja við fleiri undirástæður. Samanlagður fjöldi aðalflokkanna fjögurra (a,b,c og d) á að stemma við fjölda tilkynninga í sp. 1, en fjöldi innan hvers aðalflokks getur verið hærri en heildarfjöldinn.

Vakin er athygli á tveimur atriðum sem virðist ekki alltaf vera rétt flokkað:

- Ef tilkynning berst vegna foreldris í áfengis- og eða fíkniefnaneyslu þá fellur sú tilkynning bæði undir „vanrækslu varðandi umsjón og eftirlit“ sem og undir „þar af foreldrar í áfengis- og eða fíkniefnaneyslu“.
Sama á við um heimilisofbeldi. Ef tilkynning berst vegna heimilisofbeldis þá er sú tilkynning flokkuð undir „tilfinningalegt ofbeldi“ sem og „þar af heimilisofbeldi“.
- Svo virðist sem ekki hafi alltaf verið rétt flokkað í flokkinn „*barn stefnir eigin heilsu í hættu*“ undir áhættu hegðun barns, en skv. flokkunarkerfinu þá er þar um að ræða tilkynningar sem varða barn sem sýnir tilburði til að skaða sjálf sig, t.d. með því að veita sjálfum sér áverka, reyna að svipta sig lífi, eða vera haldið alvarlegri átröskun.

6. Hversu oft var barn í yfirvofandi hættu:

Hér skal telja fjölda barna þar sem barnaverndarnefnd taldi barnið í yfirvofandi hættu.

7. Tilkynnendur:

- Ef ein tilkynning berst frá skóla um þrjú börn verða tilkynnendur þrisvar sinnum skóli.
- Ef fleiri en ein tilkynning berst um sama barnið skal telja hvern tilkynnanda fyrir sig. Ef nágranni og ættingi tilkynna um sama barnið skal telja þá báða.
- Ef barn tilkynnir um sig sjálf er það skráð undir barn.
- Ef barn tilkynnir um t.d. systkini sín eru þær tilkynningar skráðar frá ættingja.
- Ef tilkynnandi flokkast undir „Aðrir“ skal skrá hverjir það eru. Mikil fjölgun hefur verið á tilkynningum frá öðrum og því mikilvægt að skrá hér til að hægt sé að flokka nánar hverjir aðrir eru.

Samtalan í sp. 7 á að stemma við fjölda tilkynninga í mánuðinum (sp. 1).

Tilkynningar vegna ófæddra barna:

Ef tilkynning berst um að heilsa eða líf ófædds barns sé í hættu ber að skrá það eins og aðrar tilkynningar, nema ekki er fyllt út í reitina um kynjaskiptingu í sp. 1 og 2 eða í sp. 3 ef það á við í þessu tilviki sem um ræðir.